

Эрүүл мэндийн даатгалын үндэсний зөвлөлийн
..... оны дугаар сарын -ний өдрийн
..... дүгээр тогтоолын хавсралт

БАТЛАВ.
ЭРҮҮЛ МЭНДИЙН ТУСЛАМЖ,
ҮЙЛЧИЛГЭЭГ ХУДАЛДАН АВАГЧ:

БАТЛАВ.
ЭРҮҮЛ МЭНДИЙН ТУСЛАМЖ,
ҮЙЛЧИЛГЭЭ ҮЗҮҮЛЭГЧ:

(Тамга, тэмдэг)

(Тамга, тэмдэг)

(Гарын үсэг)

(Гарын үсэг)

ЭМДЕГ-ЫН ДАРГА

ЭМБ-ЫН ДАРГА, ЗАХИРАЛ

ДААТГУУЛАГЧДАД ЭМИЙН ҮНИЙН ХӨНГӨЛӨЛТ ҮЗҮҮЛЭХ ҮЙЛЧИЛГЭЭГ ХУДАЛДАН АВАХ ГЭРЭЭ

202 ... оны ... дугаар
сарын ...-ны өдөр

Дугаар

.....хот/аймаг

Нэг талаас регистрийн дугаартайХХК/
байгууллагын аймаг/хот сум/дүүрэгт байрлах эмийн
сан (цаашид “эрүүл мэндийн тусламж, үйлчилгээ үзүүлэгч” гэх) нөгөө талаас Эрүүл
мэндийн даатгалын ерөнхий газар (цаашид “Эрүүл мэндийн тусламж, үйлчилгээг
худалдан авагч”, хамтад нь “талууд” гэх) нар дараах нөхцөлийг харилцан
тохиролцож, энэхүү гэрээг оны ... дүгээр сарын ...-ны өдрөөс оны ... дүгээр
сарын ...-ны өдөр хүртэл хугацаанд мөрдөхөөр байгуулав.

1. НИЙТЛЭГ ЗҮЙЛ

1.1. Эрүүл мэндийн тусламж, үйлчилгээг худалдан авагч нь Монгол Улсын нутаг дэвсгэрт үйл ажиллагаа явуулж байгаа, тусгай зөвшөөрөлтэй эмийн сангаас хүсэлтийг нь хүлээн авч, шалгуурт тэнцсэн тохиолдолд “Даатгуулагчдад эмийн үнийн хөнгөлөлт үзүүлэх үйлчилгээг худалдан авах гэрээ”-г байгуулна.

1.2. Энэхүү гэрээгээр эрүүл мэндийн тусламж, үйлчилгээ үзүүлэгч нь Эрүүл мэндийн даатгалын үндэсний зөвлөлийн (цаашид “ЭМДҮЗ” гэх) тогтоолоор баталсан “Эрүүл мэндийн даатгалын сангаас үнийн хөнгөлөлт олгох зайлшгүй шаардлагатай эмийн нэр төрөл, үнийн дээд хязгаар, хөнгөлөх хувь, хэмжээ” бүхий жагсаалт (цаашид “Хөнгөлөлттэй эмийн жагсаалт” гэх)-д багтсан эмийг жор бичих эрх бүхий эмчийн бичсэн жорыг үндэслэн даатгуулагчид хөнгөлөлттэй олгох, эрүүл мэндийн тусламж, үйлчилгээг худалдан авагч нь “чанарын болон

төлбөр"-ийн хяналт, гүйцэтгэлд үндэслэн санхүүжүүлэхтэй холбогдох харилцааг зохицуулна.

1.3. Талууд үйл ажиллагаандаа Монгол Улсын Захиргааны ерөнхий хууль, Эрүүл мэндийн даатгалын тухай хууль, Эрүүл мэндийн тухай хууль, Эмнэлгийн тусламж, үйлчилгээний тухай хууль, Эм, эмнэлгийн хэрэгслийн тухай хууль, Зөрчлийн тухай хууль, Төрийн хяналт шалгалтын тухай хууль, Төсвийн тухай хууль, Нягтлан бодох бүртгэлийн тухай хууль болон холбогдох бусад хууль, тэдгээрт нийцүүлэн эрх бүхий байгууллагаас баталсан тогтоол, тушаал, журам, заавар болон энэхүү гэрээг дагаж мөрдөнө.

1.4. Талуудын харилцах сувгийг тодорхойлсон хавсралт нь энэхүү гэрээний салшгүй хэсэг (цаашид "гэрээний баримт бичиг" гэх) болно.

1.5. Талууд гэрээтэй холбоотой асуудлаар зөвхөн албан ёсны хүрээнд харилцах ба үүнд энэхүү гэрээний хавсралтад заасан харилцах сувгаар цаасан ба цахим хэлбэрээр илгээсэн албан бичиг, төлбөрийн нэхэмжлэл, түүнчлэн тэмдэглэлээр баталгаажсан уулзалт хамаарна.

ХОЁР. ТАЛУУДЫН ЭРХ, ҮҮРЭГ, ҮЙЛ АЖИЛЛАГААНД ХОРИГЛОХ ЗҮЙЛ

2.1. Эрүүл мэндийн тусламж, үйлчилгээг худалдан авагч дараах эрх эдэлнэ:

2.1.1. иргэн, даатгуулагчид үзүүлсэн тусламж, үйлчилгээнд Эрүүл мэндийн даатгалын тухай хуулийн 14.8.6, 14.8.7-т заасан холбогдох журмын дагуу чанарын болон төлбөрийн хяналт хийх;

2.1.2. эрүүл мэндийн тусламж, үйлчилгээний урьдчилгаа санхүүжилтийг өмнөх сарын гүйцэтгэлийн санхүүжилтийн 50 хүртэлх хувиар тооцон сар бүрийн 11-ний дотор эрүүл мэндийн тусламж, үйлчилгээ үзүүлэгчид олгох;

2.1.3. эрүүл мэндийн тусламж, үйлчилгээ үзүүлэгчид олгосон тусламж, үйлчилгээний зардлын урьдчилгаа төлбөр нь шаардлага хангасан нэхэмжлэлийн төлбөрийн дүнгээс давсан тохиолдолд зөрүүг дараагийн саруудын урьдчилгаа төлбөрөөс суутгах;

2.1.4. эрүүл мэндийн тусламж, үйлчилгээ үзүүлэгчээс ирүүлсэн нэхэмжлэлийг цахим хяналтаар хянахад 3 ба түүнээс дээш удаа шалгуур хангаагүй тохиолдолд газар дээр очиж хяналт шалгалтыг хийх;

2.1.5. Эрүүл мэндийн тусламж, үйлчилгээ үзүүлэгч хууль, захиргааны хэм хэмжээний актыг зөрчсөн, Зөрчлийн тухай хуульд шийтгэл оногдуулахаар заасан үйлдэл, эс үйлдэхүйг үйлдсэн гэж үзвэл Зөрчил шалган шийдвэрлэх тухай хуульд заасны дагуу зөрчил шалган шийдвэрлэх ажиллагаа явуулах;

2.1.6. эрүүл мэндийн тусламж, үйлчилгээ үзүүлэгчээс холбогдох хяналтыг хэрэгжүүлэхтэй холбоотой баримт, мэдээллийг шаардаж гаргуулах;

2.2. Эрүүл мэндийн тусламж, үйлчилгээг худалдан авагч дараах үүрэг хүлээнэ:

2.2.1. эрүүл мэндийн тусламж, үйлчилгээ үзүүлэгчээс ирүүлсэн нэхэмжлэлийг хянаж, хяналтын үр дүнд суурилан шаардлага хангасан нэхэмжлэлийн төлбөрийн хэмжээг тогтоох;

2.2.2. гэрээний 2.2.1-т заасан тооцооны үр дүнд үндэслэн нэхэмжлэлийн хяналт дууссанаас хойш холбогдох журамд заасан хугацаанд багтаан тусламж, үйлчилгээний төлбөрийн урьдчилгаа болон гүйцэтгэлийн зөрүүг эрүүл мэндийн тусламж, үйлчилгээ үзүүлэгчид шилжүүлэх;

2.2.3. хяналт дууссанаас хойш ажлын 5 хоногт багтаан эрүүл мэндийн тусламж, үйлчилгээ үзүүлэгчид дүгнэлтийг цахимаар хүргүүлнэ.

2.2.3.1. эрүүл мэндийн байгууллага дээр хийх хяналт, гэрээний хэрэгжилтийг хянасан тухай дүгнэлт;

2.2.3.2. эмнэлзүйн аудит хийсэн шинжээчийн дүгнэлт;

2.2.4. нэхэмжлэлийн хяналтын талаар болон албан тушаалтны ашиг сонирхлын зөрчил, ёс зүйн талаар гаргасан гомдлыг гомдол хүлээн авснаас хойш 30 хоногт багтаан хянан үзэж, эрүүл мэндийн тусламж, үйлчилгээ үзүүлэгчид хариу хүргүүлэх;

2.2.5. эрүүл мэндийн даатгалын цахим мэдээллийн сан, тусламж, үйлчилгээний чанар, зардлын төлбөрийн хяналттай холбоотой журам, шалгуур, аргачлал, удирдамж, тэдгээрт орсон нэмэлт, өөрчлөлтийн талаарх мэдээллийг эрүүл мэндийн тусламж, үйлчилгээ үзүүлэгчид тухай бүр хүргүүлэх;

2.2.7. эрүүл мэндийн тусламж, үйлчилгээ үзүүлэгчид эрүүл мэндийн даатгалын цахим системд хандах техникийн боломжийг олгох, системийн хөгжүүлэлт, хэвийн ажиллагааг хангах, мэдээлэл дамжуулах загварыг гаргах;

2.3. Эрүүл мэндийн тусламж, үйлчилгээ үзүүлэгч дараах эрх эдэлнэ:

2.3.1. шаардлага хангасан нэхэмжлэлийн төлбөрийг эрүүл мэндийн даатгалын сангаас нэхэмжлэх;

2.3.2. даатгуулагчдад эмийн үнийн хөнгөлөлт үзүүлэх үйлчилгээний зардалд зориулж эрүүл мэндийн тусламж, үйлчилгээг худалдан авагчаас урьдчилгаа төлбөр нэхэмжлэх;

2.3.3. дүгнэлтийг хүлээн зөвшөөрөхгүй тохиолдолд хүлээн авснаас хойш ажлын 5 хоногт багтаан холбогдох тайлбар, гомдол, саналаа тусламж, үйлчилгээ худалдан авагчид хүргүүлэх;

2.3.5. эрүүл мэндийн даатгалын байгууллагын цахим мэдээллийн сангийн зөвшөөрөгдсөн хэсэгт нэвтрэх, холбогдох мэдээллийг шаардах;

2.4. Эрүүл мэндийн тусламж, үйлчилгээ үзүүлэгч дараах үүрэг хүлээнэ:

2.4.1. үзүүлсэн тусламж, үйлчилгээний гүйцэтгэлийн мэдээллийг цахим системээр, нэхэмжлэлийг гэрээний баримт бичигт заасан цахим хаягаар сар бүрийн 5-ны дотор хүргүүлэх;

2.4.2. төсвийн тухай хуульд заасан санхүүгийн тайлангийн цаглабартай холбогдуулан тухайн төсвийн жилийн 6, 12 дугаар саруудад үзүүлсэн тусламж, үйлчилгээний гүйцэтгэлийг тухайн сарын 10-ны өдрөөр тасалбар болгон хуанлийн 2 хоногт багтаан ирүүлж, 11-ний өдрөөс тухайн сар дуустал хугацаанд үзүүлсэн тусламж, үйлчилгээний гүйцэтгэлийг дараа сарын нэхэмжлэлтэй хамтатган хүргүүлэх;

2.4.3. даатгуулагчдад үзүүлсэн эмийн үнийн хөнгөлөлтийн тусламж үйлчилгээний зардлын гүйцэтгэлийг тухайн төсвийн жилийн 7 дугаар сарын 10-ны өдрийн дотор, дараа оны 01 дүгээр сарын 10-ны өдрийн дотор тус тус тусламж үйлчилгээ худалдан авагч байгууллагатай тооцоо нийлэх;

2.4.4. Эм, эмнэлгийн хэрэгслийн тухай хууль, “Эмийн санд тавигдах нийтлэг шаардлага” MNS 5260:2015 стандартын шаардлагыг мөрдөн, хөнгөлөлттэй эмийн жагсаалтыг баримтлан, даатгуулагчийн эрүүл мэндийн хэрэгцээ шаардлагад нийцсэн, эмчилгээ, үйлчилгээний удирдамж, стандартад заасан, Монгол улсын эмийн бүртгэлд бүртгэгдсэн, бүртгэлийн хугацаа нь хүчин төгөлдөр бөгөөд зориулалтын газар, хадгалалт, хамгаалалтын зөв горимд хадгалсан чанарын баталгаатай, хэрэглэх хугацаа нь хүчин төгөлдөр, эмийн сав, баглаа, боодол, хаяглалт, тэмдэглэгээ нь бүрэн эмээр даатгуулагчдад эмийн хөнгөлөлт үзүүлэх үйлчилгээг түргэн шуурхай, чирэгдэлгүй үзүүлэх;

2.4.5. хөнгөлөлттэй эмийн жагсаалтыг даатгуулагч, иргэдэд зориулан ил тод, харагдахуйц газар байршуулах ба даатгуулагчийг эмийн талаарх үнэн зөв мэдээллээр хангаж, олгосон эмийг хэрэглэх зааварчилгааг өгөхөөс гадна эмийн сонголт болон эм худалдан авалттай холбоотой мэдээллийг харах зориулалт бүхий дэлгэцийг кассан дээр байршуулах;

2.4.6. эмийн үнийн төлбөр тооцоог бүртгэлийн машинаар /кассын машин, түүний салшгүй хэсэг болсон ПОС терминал буюу түүнтэй адилтгах программ хангамж бүхий тоног төхөөрөмж/ гүйцэтгэж, төлбөрийн баримтыг хоёр хувь хэвлэн, НӨАТУС бүхий баримтын нэг хувийг даатгуулагчид заавал өгөх;

2.4.7. хөнгөлөлттэй эмийн жагсаалтад багтсан эмийг “Цахим жорын систем”-ийн дагуу ширхгээр олгох тохиолдолд тус эмийг найдвартай сав, баглаанд боон, эмийн хаяглалт, тэмдэглэгээг бүрэн хийж даатгуулагчид олгох;

2.4.8. хөнгөлөлттэй эмийн жагсаалтад багтсан эмийг хүртээмжтэй байх хангалтыг хийх;

2.4.9. хяналт шалгалт хийхэд шаардагдах баримт, нотолгоо, мэдээллийг цаг хугацаанд нь саадгүй гаргаж өгөх, эрүүл мэндийн тусламж, үйлчилгээг худалдан авагчийг хяналт шалгалт хийх нөхцөлөөр хангах;

2.4.10. Нягтлан бодох бүртгэлийн үйл ажиллагааг хуулийн дагуу явуулах;

2.4.11. эрүүл мэндийн тусламж, үйлчилгээ үзүүлэгчийн хаяг, хуулийн этгээдийн нэр, эрхлэх үйл ажиллагааны чиглэл, эцсийн өмчлөгчийн мэдээлэлд өөрчлөлт

орох тохиолдолд 10 ба түүнээс дээш хоногийн өмнө эрүүл мэндийн тусламж, үйлчилгээг худалдан авагч байгууллагад албан бичгээр мэдэгдэж, гэрээний 4.1.1-т заасны дагуу өөрчлөлт оруулах;

2.4.12. эрүүл мэндийн тусламж, үйлчилгээг худалдан авагчаас тогтоосон шаардлагад нийцүүлж цахим системээр мэдээлэл солилцох, техникийн боломж бүрдүүлэх, баталсан загварын дагуу цахимаар мэдээллийг тогтоосон хугацаанд ирүүлэх;

2.4.13. эрүүл мэндийн тусламж, үйлчилгээ худалдан авагчид гаргаж өгсөн мэдээлэл болон иргэн, даатгуулагчид үзүүлсэн тусламж, үйлчилгээний зардлын мэдээллийг цахим системээр үнэн, зөв, алдаагүй хугацаанд нь илгээх;

2.4.14. зөрчил арилгах талаар эрх бүхий байгууллага, албан тушаалтнаас тавьсан хууль ёсны шаардлагыг тогтоосон хугацаанд биелүүлэх;

2.4.15. Нийгмийн даатгалын тухай хуулийн дагуу ажилтнуудаа нийгмийн даатгалд бүрэн хамруулж, тайлан мэдээг нийгмийн даатгалын байгууллагад хуулийн хугацаанд ирүүлж, нийгмийн даатгалын шимтгэлийн өр, авлгагүй байх;

2.4.16. Хуульд заасан бусад үүрэг.

2.5. Эрүүл мэндийн тусламж, үйлчилгээ үзүүлэгчийн үйл ажиллагаанд дараах зүйлийг хориглоно:

2.5.1. эм барих эрх, зөвшөөрөлгүй этгээдийг эм найруулах, бэлтгэх, шалгах, олгох үйл ажиллагаанд оролцуулахгүй байх;

2.5.2. зах зээлд гаргах зөвшөөрөлгүй, улсын бүртгэлд бүртгүүлээгүй, хуурамч, чанарын баталгаагүй, хугацаа дууссан эмээр үйлчлэх;

2.5.3. ашиг орлогоо нэмэгдүүлэх зорилгоор эмчээр эм борлуулах, үр дүнгээр урамшуулах, түүнтэй адилтгах үйл ажиллагаанд татан оролцуулах, үгсэн хуйвалдах;

2.5.4. Эм, эмнэлгийн хэрэгслийн тухай хуулийг зөрчин зар сурталчилгаа явуулах, тулган шаардах, буруу ташаа мэдээлэл өгөх, үйлчлүүлэгчийн сонгох боломжийг хязгаарлах;

2.5.5. эрүүл мэндийн тусламж, үйлчилгээг худалдан авагч байгууллагад эмийн сангийн стандарт, санхүүгийн болон хүний нөөц, хаяг байршил болон бусад асуудлаар худал мэдээлэл ирүүлэх, даатгалын гэрээгээр хүлээсэн үүргээ биелүүлэхгүй байх;

2.5.6. Эрүүл мэндийн даатгалын байцаагч болон Төрийн хяналт шалгалт хийх эрх бүхий хуулийн этгээд, албан тушаалтны тавьсан хууль ёсны шаардлагыг үл биелүүлэх, төөрөгдүүлэх, хяналт, шалгалтанд холбогдолтой баримт бичгийг засварлах, гэмтээх, устгах, зайлсхийх, хуурамч баримт бичиг гаргаж өгөх;

2.5.6. Худалдааны нэршлээр тогтоосон эмийн үнийн дээд хязгаараас хэтрүүлэн даатгуулагчид үнийн хөнгөлөлт үзүүлэх;

ГУРАВ. ЧАНАР БОЛОН ТӨЛБӨРИЙН ХЯНАЛТ

3.2. Эрүүл мэндийн тусламж, үйлчилгээний чанар болон төлбөрийн хяналт нь Эрүүл мэндийн даатгалын тухай хуулийн 14.8.7, 16.1.5, 23.2.3-т тус тус заасныг хэрэгжүүлэх болон бусад холбогдох хууль, журмын хүрээнд явагдана.

3.3. Эрүүл мэндийн даатгалын тухай хуулийн 14 дүгээр зүйлийн 14.8.6, 14.9.10-д тус тус заасан холбогдох журмын шалгуурыг хангаагүй тусламж, үйлчилгээний тохиолдлын төлбөрийг санхүүжүүлэхгүй.

3.4. Гэрээний 4.2-т заасан шалтгаанаар гэрээг түдгэлзүүлэн шалгахад эрүүл мэндийн тусламж, үйлчилгээ үзүүлэгчийн буруутай нь нотлогдсон тохиолдолд энэ хугацаанд харгалзах тусламж, үйлчилгээний нэхэмжлэлийг санхүүжүүлэхгүй.

3.5. Гэрээний 2.4.1, 2.4.2-т заасан хугацаанд хүргүүлээгүй нэхэмжлэлийг хянах болон санхүүжүүлэхгүй.

3.6. Гэрээний 2.4.4-т эрүүл мэндийн тусламж, үйлчилгээ үзүүлэгч нь Эрүүл мэндийн чиглэлээр үйл ажиллагаа эрхлэх тусгай зөвшөөрөлд заасан хаяг, байршлаас өөр хаяг байршилд үйлчилгээ үзүүлсэн тохиолдлын нэхэмжлэлийг санхүүжүүлэхгүй.

3.7. Эрүүл мэндийн тусламж, үйлчилгээ үзүүлэгчийн тусгай зөвшөөрлийн хугацаа нь эрх бүхий байгууллагын шийдвэрээр сунгагдахдаа уг хугацаа дуусгавар болсон өдрөөс нөхөж сунгагдсан тохиолдолд дээрх хугацаан дахь тусламж, үйлчилгээний төлбөрийн нэхэмжлэлийг санхүүжүүлэхгүй.

ДӨРӨВ. ГЭРЭЭНД ӨӨРЧЛӨЛТ ОРУУЛАХ, ТҮДГЭЛЗҮҮЛЭХ, ЦУЦЛАХ

4.1. Дараах тохиолдолд гэрээнд өөрчлөлт оруулна:

4.1.1. Хуулийн этгээдийн хаяг, хуулийн этгээдийн нэр, эрхлэх үйл ажиллагааны чиглэл, эцсийн өмчлөгч өөрчилснийг эрх бүхий байгууллага бүртэгдсэнийг үндэслэн;

4.1.2. Гэрээний агуулгын голлох ач холбогдол бүхий харилцаа тухайн гэрээг байгуулснаас хойш бүхэлдээ өөрчлөгдсөн, гэрээний аль нэг тал гэрээний анхны зохицуулалтыг цаашид баримтлах боломжгүй гэж үзсэн бол уг гэрээнд өөрчлөлт оруулахыг шаардах эрхтэй.

4.1.3. холбогдох харилцааг зохицуулсан эрх зүйн хэм хэмжээ өөрчлөгдсөн тохиолдолд, эсхүл талуудын хүсэлтээр харилцан тохиролцож гэрээнд өөрчлөлт оруулж болно;

4.1.4. Талууд гэрээнд өөрчлөлт оруулах саналаа бичгээр гаргах бөгөөд санал гаргаснаас хойш 30 хоногийн дотор зөвшилцөл хийх ажлыг эрүүл мэндийн тусламж, үйлчилгээг худалдан авагч зохион байгуулна.

4.1.5. Гэрээнд орсон өөрчлөлтийг талууд хүлээн зөвшөөрч, нэмэлт гэрээ байгуулж, гарын үсэг зурж, тамга тэмдэгээр баталгаажуулж, батлуулснаар гэрээний өөрчлөлт хүчин төгөлдөр болно.

4.1.6. хуульд заасан бусад үндэслэл.

4.2. Дараах тохиолдолд гэрээг түдгэлзүүлнэ.

4.2.1. эрүүл мэндийн тусламж, үйлчилгээ үзүүлэгчийн эрүүл мэндийн чиглэлээр мэргэжлийн үйл ажиллагаа эрхлэх тусгай зөвшөөрлийн хүчинтэй хугацаа дууссан тохиолдолд гэрээг бүхэлд нь;

4.2.2. эрүүл мэндийн тусламж, үйлчилгээ үзүүлэгчээс ирүүлсэн төлбөрийн нэхэмжлэлийг эрүүл мэндийн тусламж, үйлчилгээг худалдан авагч шалгах явцад алдаа, зөрчил илэрч, дахин нягтлан шалгах шаардлага гарсан тохиолдолд гэрээг бүхэлд нь;

4.2.3. эрх бүхий этгээдээс эрүүл мэндийн тусламж, үйлчилгээ үзүүлэгчийн үйл ажиллагааг хэсэгчлэн болон бүхэлд нь зогсоох шийдвэр гаргасан бол гэрээг бүхэлд нь эсхүл гэрээний баримт бичгийн холбогдох хэсгийг;

4.2.4. эрүүл мэндийн тусламж, үйлчилгээ үзүүлэгч гэрээг бүхэлд нь эсхүл гэрээний холбогдох баримт бичгийн тодорхой хэсгийг түр түдгэлзүүлэх хүсэлт гаргасан тохиолдолд;

4.2.5. гэрээний 2.4.11-т заасны дагуу өөрчлөлт орсон мэдээллийг хугацаанд нь мэдэгдээгүй;

4.2.6. энэхүү гэрээний 2.4.12, 2.4.13, 2.4.14-т тус тус заасан тогтоосон шаардлага, хугацаа, батлагдсан загварын дагуу мэдээлэл ирүүлээгүй;

4.2.7. Гэрээний 2.4.15-д заасны дагуу үйл ажиллгаагаа явуулаагүй;

4.2.8. эрүүл мэндийн тусламж, үйлчилгээ үзүүлэгчийн үйлчилгээ, үйл ажиллагаа, төлбөрийн нэхэмжлэлтэй холбоотой зөрчил илэрснийг шалгаж эхэлсэнээр;

4.2.9. Тусламж, үйлчилгээ худалдан авагч болон тусламж, үйлчилгээ үзүүлэгч нарын хууль болон гэрээгээр хүлээсэн үүрэгтэй холбоотойгоор шүүхийн хянан шийдвэрлэх маргаан үүссэнээр;

4.3. Дараах тохиолдолд нотлох баримтад үндэслэн гэрээг бүхэлд нь эсхүл гэрээний баримт бичгийн холбогдох хэсгийг түдгэлзүүлснийг цуцлах эсэхийг шийдвэрлэнэ:

4.3.1. энэхүү гэрээний 4.2.1-4.2.4-т тус тус заасан үндэслэлээр түдгэлзүүлсэн шалтгааныг шийдвэрлэсэн тухай мэдэгдлийг ирүүлснээс хойш ажлын 10 хоногийн дотор;

4.3.2. энэхүү гэрээний 4.2.5-4.2.9-т тус тус заасан үндэслэлээр түдгэлзүүлсэн шалтгааныг шийдвэрлэсэн тухай мэдэгдлийг ирүүлснээс хойш 30 хоногийн дотор;

4.4. Дараах тохиолдолд гэрээг цуцална:

4.4.1. Эрүүл мэндийн даатгалын Үндэсний зөвлөлөөс баталсан хөнгөлөлттэй эмийн жагсаалтын үнийн дээд хэмжээг мөрдөөгүй, иргэн даатгуулагчаас уг жагсаалтад баталсан эмэнд иргэний төлөх төлбөрийг даатгуулагчаас нэмэгдүүлж авсан;

4.4.2. эрүүл мэндийн тусламж, үйлчилгээ үзүүлэгчийн сар бүрийн нэхэмжлэлд эзлэх зөрчилтэй нэхэмжлэлийн хуримтлагдсан хувь хэмжээ нь 10 хувьд хүрсэн тохиолдолд;

4.4.3. эрүүл мэндийн тусламж, үйлчилгээ үзүүлэгч нь тусламж, үйлчилгээ худалдан авагчийн хяналт шалгалт явуулах үйл ажиллагаанд саад учруулсан, хяналт шалгалт хийлгэхээс зайлсхийсэн, шаардлагатай мэдээлэл, баримт материалыг гаргаж өгөхөөс үндэслэлгүй татгалзсан, зайлсхийсэн, хяналт шалгалтад нөлөөлөхийг оролдсон, хяналт шалгалтаар илрүүлсэн зөрчлийг арилгаагүй, зөвлөмжийг хэрэгжүүлээгүй тохиолдолд;

4.4.4. газар дээрх хяналт шалгалт, хууль, хяналтын байгууллагаас мэргэжлийн алдаа дутагдал гаргасан болон хуурамч баримт бичиг бүрдүүлсэн нь нотлогдсон;

4.4.5. гэрээний 2.4.11-д заасны дагуу өөрчлөлт орсон мэдээллийг хугацаанд нь мэдэгдээгүй;

4.4.6. гэрээний 2.4.12, 2.4.13, 2.4.14-т заасан тогтоосон шаардлага, хугацаа, батлагдсан загварын дагуу мэдээлэл ирүүлээгүй;

4.4.7. гэрээний 2.4.15-д заасны дагуу үйл ажиллагаагаа явуулаагүй;

4.4.8. гэрээний 2.5-д заасан эрүүл мэндийн тусламж, үйлчилгээ үзүүлэгчийн үйл ажиллагаанд хориглох зүйлсийг зөрчсөн нь нотлогдсон тохиолдолд;

4.4.9. гэрээний 6.1-д заасан хугацаанд гэрээ дүгнүүлээгүй тохиолдолд;

4.4.10. нягтлан бодох бүртгэлийн үйл ажиллагааг зохих ёсоор явуулаагүй завших оролдлого хийсэн нь хяналт шалгалтаар нотлогдсон;

4.4.11. гэрээг өөрчлөх боломжгүй, эсхүл гэрээний аль нэг тал өөрчлөлт оруулахгүй гэж үзвэл;

4.4.12. Зөрчлийн тухай хуулийн тусгай ангид заасан зөрчлийг удаа дараа гаргасан;

4.4.13. гэрээг хуулийн этгээдийг төлөөлөх эрхгүй этгээд байгуулсан;

4.4.14. эрүүл мэндийн тусламж, үйлчилгээ үзүүлэгч гэрээг хугацаанаас нь өмнө цуцлах хүсэлт гаргасан;

4.4.15. эрүүл мэндийн тусламж, үйлчилгээ үзүүлэгч нь тус гэрээг байгуулж хүчин төгөлдөр мөрдөж эхэлснээс хойш 3 сарын хугацаанд иргэн даатгуулагчдад тусламж, үйлчилгээ үзүүлээгүй;

4.5. Тусламж, үйлчилгээ худалдан авагч нь гэрээний 4.4.1-4.4.13-д заасан үндэслэлээр гэрээг шууд, гэрээний 4.4.14, 4.4.15-т заасан үндэслэлээр гэрээг цуцлах тохиолдолд хүсэлтийг үндэслэн гэрээг цуцалж, гэрээ цуцалсан тухай мэдэгдлийг эрүүл мэндийн тусламж, үйлчилгээ үзүүлэгчид ажлын 5 хоногийн дотор албан бичгээр хүргүүлнэ.

ТАВ. ХАРИУЦЛАГА

5.1. Эрүүл мэндийн тусламж, үйлчилгээг худалдан авагч гэрээний үүргийг биелүүлээгүй нь тогтоогдвол дараах хариуцлага хүлээнэ:

5.1.1. энэхүү гэрээний 2.1.2, 2.2.2-т заасан төлбөрийг хугацаанаас хожимдуулж төлсөн тохиолдолд гүйцэтгээгүй үүргийн мөнгөн дүнгээс 0.05 хувиар тооцож, эрүүл мэндийн тусламж, үйлчилгээ үзүүлэгчид алданги төлнө.

5.1.2. эрүүл мэндийн тусламж, үйлчилгээ үзүүлэгчтэй байгуулсан гэрээний нууцлалыг хангаагүй бол холбогдох хуульд заасан хариуцлага хүлээнэ.

5.1.3. хууль тогтоомжид заасан бусад хариуцлага;

5.2. Эрүүл мэндийн тусламж, үйлчилгээ үзүүлэгч гэрээний үүргийг биелүүлээгүй нь тогтоогдвол дараах хариуцлага хүлээнэ:

5.2.1. энэхүү гэрээний 4.4.1-4.4.13-д заасан үндэслэлээр гэрээг цуцалсан тохиолдолд гэрээ цуцлагдсан өдрөөс 1 жилийн хугацаанд гэрээ байгуулахгүй;

5.2.3. эрүүл мэндийн тусламж, үйлчилгээ үзүүлэгч байгууллагын ажилтны буруугаас даатгуулагчид учирсан хохирлыг эрүүл мэндийн тусламж үйлчилгээ үзүүлэгч байгууллага хариуцна;

5.2.4. иргэн, даатгуулагчаас хууль бус төлбөр авсан нь тогтоогдвол иргэн, даатгуулагчид төлбөрийг буцаан олгуулах, Зөрчлийн тухай хуулийн дагуу торгууль оногдуулах;

5.2.5. иргэн хариуцан төлөх төлбөрөөс өөр төлбөрийг иргэнээс авсан тохиолдолд иргэнээс авсан нэмэлт төлбөрийн нэхэмжлэлтэй дүйцэх санхүүжилтийг дараагийн санхүүжилтээс бууруулах, Зөрчлийн тухай хуулийн дагуу торгууль оногдуулах;

5.2.6. эрүүл мэндийн тусламж, үйлчилгээ худалдан авагчтай байгуулсан гэрээний нууцлалыг хангаагүй бол холбогдох хуульд заасан хариуцлага хүлээнэ.

5.3. гэрээний 4.1, 4.2, 4.3, 4.4-т заасан нь үндэслэлээр Эрүүл мэндийн тусламж, үйлчилгээ үзүүлэгчийн Эрүүл мэндийн даатгалын цахим системд нэвтрэх эрхийг нээж, хаахыг тусламж, үйлчилгээ худалдан авагч шийдвэрлэнэ.

5.4. хууль тогтоомжид заасан бусад хариуцлага;

ЗУРГАА. ГЭРЭЭГ ДҮГНЭХ

6.1. Энэхүү гэрээг Нягтлан бодох бүртгэлийн тухай хууль, Төсвийн тухай хууль, эрх бүхий этгээдээс баталсан гэрээ дүгнэх аргачлал, журмын дагуу дараа оны 12 дугаар сарын 01-ны дотор дүгнэнэ.

6.2. Гэрээний хэрэгжилтийн явц, үр дүнгийн үнэлгээний тайланг эрүүл мэндийн даатгалын байгууллагын цахим хуудсанд байршуулж, олон нийтэд мэдээлнэ.

6.3. Гэрээг дүгнэсэн үр дүнд үндэслэн гэрээг үргэжлүүлэх, түдгэлзүүлэх, цуцлах эсэхийг эрүүл мэндийн даатгалын байгууллагын цахим хуудсанд байршуулах бөгөөд мэдээллэх хүртэл хугацаанд өмнө байгуулсан гэрээ хүчинтэйд тооцогдоно.

ДОЛОО. МАРГААН ШИЙДВЭРЛЭХ

7.1. Энэхүү гэрээтэй холбоотой талуудын хооронд үүссэн аливаа маргааныг дараах арга замаар шийдвэрлэнэ:

7.1.1. гэрээтэй холбогдсон аливаа асуудлыг талууд эв зүйгээр шийдвэрлэнэ;

7.1.2. нэхэмжлэл, чанар, төлбөрийн хяналттай холбогдох маргааныг холбогдох журмын дагуу;

7.1.3. тусламж, үйлчилгээний чанар, төлбөрийн хяналттай холбоотой маргааныг талуудаас гаргасан нотолгоонд үндэслэн хөндлөнгийн шинжээчийн дүгнэлтээр;

7.1.4. Хууль, захиргааны хэм хэмжээний актыг зөрчсөн, Зөрчлийн тухай хуульд шийтгэл оногдуулахаар заасан үйлдэл, эс үйлдэхүйг Зөрчил шалган шийдвэрлэх хуулийн дагуу;

7.1.4. маргааныг хэлэлцээр хийж шийдвэрлэхээр бичгээр хүсэлт гаргавал Иргэдээс төрийн байгууллага, албан тушаалтанд гаргасан өргөдөл, гомдлыг шийдвэрлэх тухай хуульд заасны дагуу;

7.1.5. хэрэв талууд маргааныг эцэслэн шийдэрлүүлж чадаагүй бол Захиргааны хэргийн шүүхээр шийдвэрлүүлэх;

7.2. Талууд энэхүү гэрээтэй холбоотой аливаа маргаан шийдвэрлэхэд зөвхөн албан бичгээр харилцсан харилцааг баримт, нотолгоо болгоно.

7.3. Гэрээ, гэрээний баримт бичигтэй холбогдох аливаа маргаан болон гэрээнд өөрчлөлт оруулах, хэлэлцээр хийх зэрэг гэрээний аливаа харилцаанд талууд өөрсдөө төлөөлөн оролцох бөгөөд уг харилцаанд гуравдагч талыг оролцуулахгүй.

НАЙМ. ДАВАГДАШГҮЙ ХҮЧИН ЗҮЙЛ

8.1. Гэрээний аль нэг тал давагдашгүй хүчин зүйлийн нөхцөл байдлын улмаас гэрээгээр хүлээсэн үүргээ биелүүлэх боломжгүй болсоноо нотолсон тохиолдолд гэрээний хариуцлагаас чөлөөлөгдөх үндэслэл болно.

8.2. Гэнэтийн буюу давагдашгүй хүчин зүйлийн шинжийг гэрчлэхэд дараах хүчин зүйлсийг харгалзан үзнэ:

8.2.1. Гал түймэр болон байгалийн гамшиг болох үер, ган, зуд, аюултай цасан болон шороон шуурга, газар хөдлөлт;

8.2.2. Нийтийг хамарсан аюулт халдварт өвчний улмаас хорио цээр тогтоосон бүсэд хоригдсон болон дайчилгаанд хамрагдсан зэрэг нөхцөл байдал;

8.2.3. Тэсрэлт, дэлбэрэлт, машин, үйлдвэрлэлийн тоног төхөөрөмжийн эвдрэл, цахилгааны ноцтой гэмтэл;

8.2.4. Төрийн албан тушаалтны хуулийн дагуух болон хууль бус үйлдэл, эс үйлдэл, эрх зүйн акт, тушаал, захирамж, ажлын байр татан буугдах, эд хөрөнгө дайчлан хураах, нийгэмчлэх зэрэг саад тотгор тохиолдсон үед;

Тайлбар: Энэхүү гэрээний 8.2-т заасан шинжийг агуулсан хүчин зүйлсээс үүдэлтэй гэрээний аль нэг тал үүргээ гүйцэтгээгүй нь түүний хяналтаас гадна орших саад бэрхшээлээс болсон бөгөөд гэрээ байгуулах үед уг саад бэрхшээлийг тооцох, түүнээс зайлсхийх буюу түүний үр дагаврыг нь давж гарах арга замыг урьдчилан тооцох аргагүй байсныг дээрх тал тус тус нотолбол тухайн тал үүрэг гүйцэтгээгүйн хариуцлагыг хүлээхгүй бөгөөд хүндэтгэн үзэх шалгаан гэж ойлгоно.

ЕС. ГЭРЭЭ ХҮЧИН ТӨГӨЛДӨР БОЛОХ

9.1. Энэхүү гэрээ болон гэрээний баримт бичиг нь талууд гэрээнд гарын үсэг зурж баталгаажуулсан өдрөөс эхлэн хүчин төгөлдөр мөрдөгдөнө.

9.2. Гэрээг 2 хувь үйлдэж, талууд тус бүр нэг хувийг хадгална.

ЭРҮҮЛ МЭНДИЙН ТУСЛАМЖ,
ҮЙЛЧИЛГЭЭГ ХУДАЛДАН АВАГЧИЙГ
ТӨЛӨӨЛЖ:
(Албан тушаал, нэр)
(Гарын үсэг) _____

ТАМГА

(Эрүүл мэндийн тусламж, үйлчилгээг
худалдан авагчийн хаяг)
(Утас, факсын дугаар)

ЭРҮҮЛ МЭНДИЙН ТУСЛАМЖ,
ҮЙЛЧИЛГЭЭ ҮЗҮҮЛЭГЧИЙГ
ТӨЛӨӨЛЖ:
(Албан тушаал, нэр)
(Гарын үсэг) _____

ТАМГА

(Тусламж, эрүүл мэндийн тусламж,
үйлчилгээ үзүүлэгчийн хаяг)
(Утас, факсын дугаар)
(Харилцагч банкны нэр, дансны дугаар)

..... дугаар гэрээний хавсралт

ТАЛУУДЫН ХАРИЛЦАХ СУВАГ

Эрүүл мэндийн тусламж, үйлчилгээг худалдан авагчийн:	Эрүүл мэндийн тусламж, үйлчилгээ үзүүлэгчийн:
1. Цахим хаяг	
Байршил: Цахим хаяг:	
2. Утасны дугаар:	
Тусламж, үйлчилгээний багц, төлбөрийн хэмжээ, өртөг зардал, төлбөрийн аргын асуудлаар:	
Сонгон шалгаруулалт, гэрээлэлт, гэрээний үр дүнгийн хяналтын асуудлаар:	
Тусламж үйлчилгээний чанар, төлбөрийн хяналтын асуудлаар:	
Санхүүжилт, төлбөр тооцоотой холбоотой асуудлаар:	
Мэдээллийн технологийн хэлтэс:	

Эрүүд мэндийн цахим систем дэх ID	
3. Шуудангийн хаяг	